

## REGLUGERÐ FRAMKVÆMDASTJÓRNARINNAR (ESB) 2016/439

2017/EES/17/11

frá 23. mars 2016

um breytingu á IV. viðauka við reglugerð Evrópuþingsins og ráðsins (EB) nr. 396/2005 að því er varðar *Cydia pomonella*-kyrningaveiru (CpGV), kalsíumkarbíð, kalíumjodíð, natríumvetniskarbonsat, reskalúr og *Beauveria bassiana* af stofni ATCC 74040, og *Beauveria bassiana* af stofni GHA (\*)

FRAMKVÆMDASTJÓRN EVRÓPUSAMBANDSINS HEFUR,

með hliðsjón af sáttmálanum um starfshætti Evrópusambandsins,

með hliðsjón af reglugerð Evrópuþingsins og ráðsins (EB) nr. 396/2005 frá 23. febrúar 2005 um hámarksgildi fyrir varnarefnaleifar í eða á matvælum og fóðri úr plöntu- og dýraríkinu og um breytingu á tilskipun ráðsins 91/414/EBE <sup>(1)</sup>, einkum 1. mgr. 5. gr.,

og að teknu tilliti til eftirfarandi:

- 1) Að því er varðar *Cydia pomonella*-kyrningaveiru (CpGV), kalsíumkarbíð, natríumvetniskarbonsat, reskalúr, *Beauveria bassiana* af stofni ATCC 74040 og *Beauveria bassiana* af stofni GHA voru ekki fastsett sértæk hámarksgildi leifa. Þar eð þessi efni voru ekki heldur talin með í IV. viðauka við reglugerð (EB) nr. 396/2005 gildir staðalgildið 0,01 mg/kg sem mælt er fyrir um í b-lið 1. mgr. 18. gr. þeirrar reglugerðar. Kalíumjodíð er á skrá í IV. viðauka við reglugerð (EB) nr. 396/2005.
- 2) Að því er varðar *Cydia pomonella*-kyrningaveiru (CpGV) komst Matvælaöryggisstofnun Evrópu (hér á eftir nefnd Matvælaöryggisstofnunin) <sup>(2)</sup> að þeirri niðurstöðu að þessi veira sé ekki sjúkdómsvaldandi fyrir menn og framleiði engin eiturefni. Því þykir rétt að færa þetta efni á skrá í IV. viðauka við reglugerð (EB) nr. 396/2005.
- 3) Að því er varðar kalsíumkarbíð komst Matvælaöryggisstofnunin að þeirri niðurstöðu <sup>(3)</sup> að þetta efni fari ekki inn í matvælaferlið. Því þykir rétt að færa þetta efni á skrá í IV. viðauka við reglugerð (EB) nr. 396/2005.
- 4) Kalíumjodíð er steinefni sem heimilt er að nota við framleiðslu fæðubótarefna í samræmi við tilskipun Evrópuþingsins og ráðsins 2002/46/EB <sup>(4)</sup>. Með hliðsjón af þessu þykir rétt að fjarlægja neðanmálgreinina þar sem farið er fram á mat á þessu efni skv. 12. gr. reglugerðar (EB) nr. 396/2005.
- 5) Natríumvetniskarbonsat er samþykkt sem grunnefni í samræmi við reglugerð Evrópuþingsins og ráðsins (EB) nr. 1107/2009 <sup>(5)</sup>. Með tilliti til framkvæmdarreglugerðar framkvæmdastjórnarinnar (ESB) 2015/2069 <sup>(6)</sup> telur framkvæmdastjórnin að rétt sé að færa efnið á skrá í IV. viðauka við reglugerð (EB) nr. 396/2005.
- 6) Að því er varðar reskalúr komst Matvælaöryggisstofnunin að þeirri niðurstöðu <sup>(7)</sup> að rétt sé að færa efnið á skrá í IV. viðauka við reglugerð (EB) nr. 396/2005.

(\*) Þessi ESB-gerð birtist í Stjttíð. ESB L 78, 24.3.2016, bls. 31. Hennar var getið í ákvörðun sameiginlegu EES-nefndarinnar nr. 15/2017 frá 3. febrúar 2017 um breytingu á I. viðauka (Heilbrigði dýra og plantna) og II. viðauka (Tæknilegar reglugerðir, staðlar, prófanir og vottun) við EES-samninginn, biður birtingar.

<sup>(1)</sup> Stjttíð. ESB L 70, 16.3.2005, bls. 1.

<sup>(2)</sup> Matvælaöryggisstofnun Evrópu, „Conclusion on the peer review of the pesticide risk assessment of the active substance *Cydia pomonella* granulovirus“. *Tíðindi Matvælaöryggisstofnunar Evrópu* 2012, 10(4), 2655, [40 bls.], doi:10.2903/j.efsa.2012.2655.

<sup>(3)</sup> Matvælaöryggisstofnun Evrópu, „Conclusion on the peer review of the pesticide risk assessment of the active substance calcium carbide“. *Tíðindi Matvælaöryggisstofnunar Evrópu* 2011, 9(10), 2419, [48 bls.], doi:10.2903/j.efsa.2011.2419.

<sup>(4)</sup> Tilskipun Evrópuþingsins og ráðsins 2002/46/EB frá 10. júní 2002 um samræmingu laga aðildarríkjanna um fæðubótarefni (Stjttíð. EB L 183, 12.7.2002, bls. 51).

<sup>(5)</sup> Reglugerð Evrópuþingsins og ráðsins (EB) nr. 1107/2009 frá 21. október 2009 um setningu plöntuverndarvara á markað og um niðurfellingu á tilskipunum ráðsins 79/117/EBE og 91/414/EBE (Stjttíð. ESB L 309, 24.11.2009, bls.1).

<sup>(6)</sup> Framkvæmdarreglugerð framkvæmdastjórnarinnar (ESB) 2015/2069 frá 17. nóvember 2015 um samþykki fyrir grunnefninu natríumvetniskarbonsati, í samræmi við reglugerð Evrópuþingsins og ráðsins (EB) nr. 1107/2009 um setningu plöntuverndarvara á markað, og um breytingu á viðaukanum við framkvæmdarreglugerð framkvæmdastjórnarinnar (ESB) nr. 540/2011 (Stjttíð. ESB L 301, 18.11.2015, bls. 42).

<sup>(7)</sup> Matvælaöryggisstofnun Evrópu, 2015. „Conclusion on the peer review of the pesticide risk assessment of the active substance rescalure“. *Tíðindi Matvælaöryggisstofnunar Evrópu* 2015, 13(2), 4031, 40 bls.

- 7) Að því er varðar *Beauveria bassiana* af stofni ATCC 74040 og *Beauveria bassiana* af stofni GHA<sup>(1)</sup> gat Matvælaöryggisstofnunin ekki komist að niðurstöðu varðandi fæðutengt áhættumat fyrir neytendur þar eð tiltekna upplýsingar vantaði og þörf var á frekari athugun áhættustjórnenda. Slík frekari athugun endurspegladist í viðeigandi endurskoðunarskýrslum<sup>(2)</sup> <sup>(3)</sup> þar sem komist var að þeirri niðurstöðu að áhættan fyrir menn af völdum umbrotsefna þessara efna væri óveruleg. Í ljósi þessara niðurstæða telur framkvæmdastjórnin að rétt sé að færa þessi efni á skrá í IV. viðauka við reglugerð (EB) nr. 396/2005.
- 8) Því ætti að breyta reglugerð (EB) nr. 396/2005 til samræmis við það.
- 9) Ráðstafanirnar, sem kveðið er á um í þessari reglugerð, eru í samræmi við álit fastanefndarinnar um plöntur, dýr, matvæli og fóður.

## SAMÞYKKT REGLUGERÐ ÞESSA:

*1. gr.*

Ákvæðum IV. viðauka við reglugerð (EB) nr. 396/2005 er breytt í samræmi við viðaukann við þessa reglugerð.

*2. gr.*

Reglugerð þessi öðlast gildi á tuttugasta degi eftir að hún birtist í *Stjórnartíðindum Evrópusambandsins*.

Reglugerð þessi er bindandi í heild sinni og gildir í öllum aðildarríkjunum án frekari lögfestingar.

Gjört í Brussel 23. mars 2016.

*Fyrir hönd framkvæmdastjórnarinnar,*

Jean-Claude JUNCKER

*forseti.*

<sup>(1)</sup> Matvælaöryggisstofnun Evrópu, 2013. „Conclusion on the peer review of the pesticide risk assessment of the active substances *Beauveria bassiana* strains ATCC-74040 and GHA“. *Tíðindi Matvælaöryggisstofnunar Evrópu* 2013, 11(1), 3031, 44 bls.

<sup>(2)</sup> Endurskoðunarskýrsla fyrir virka efnið *Beauveria bassiana* af stofni ATCC 74040 í lokagerð fastanefndarinnar um matvælaferlið og heilbrigði dýra á fundi hennar 11. júlí 2008 með tilliti til færslu *Beauveria bassiana* af stofni ATCC 74040 á skrá í I. viðauka við tilskipun 91/414/EBE. SANCO/1546/08 — endursk. 5, 11. júlí 2014.

<sup>(3)</sup> Endurskoðunarskýrsla fyrir virka efnið *Beauveria bassiana* af stofni GHA í lokagerð fastanefndarinnar um matvælaferlið og heilbrigði dýra á fundi hennar 11. júlí 2008 með tilliti til færslu *Beauveria bassiana* af stofni GHA 74040 á skrá í I. viðauka við tilskipun 91/414/EBE. SANCO/1547/08 — endursk. 5, 11. júlí 2014.

## VIÐAUKI

Ákvæðum IV. viðauka við reglugerð (EB) nr. 396/2005 er breytt sem hér segir:

- 1) Færslurnar „*Cydia pomonella*-kyrningaveira (CpGV)“, „kalsíumkarbíð“, „natríumvetniskarbónat“, „reskalúr“, „*Beauveria bassiana* af stofni ATCC 74040“ og „*Beauveria bassiana* af stofni GHA“ bætast við í stafrófsröð.
  - 2) Tilvísunin í 1. neðanmálsgrein á eftir færslunni „kalíumjoðið“ falli brott.
-